

# Ol Aktiviti blong Kam Folem Mi

Blong famli haos naet o skripja stadi—  
o blong gat wan gud taem nomo!

BLONG MOSAEA 4-6

## Wokbaot long Ol Step blong Hem

King Mosaea i bin obei ol komanmen mo “wokbaot folem ol wei blong Lod” (Mosaea 6:6). Long wan pis pepa, raet folem leg blong yu mo katemaot sep. Raetem long droing blong leg wan wei we yu save folem Jisas. Putum droing leg blong yu long ples we yu save tingbaot blong folem eksampol blong Jisas Kraes.

### Blong ol bigfala pikinini:

Go long wan wokbaot. Mekem pikinini blong yu i praktis blong stap step long wea ples yu stap long hem. Tokbaot olsem wanem yumi save folem Jisas Kraes taem yumi stap mekem ol samting we hem i mekem, olsem stap helpem ol narafala man mo kasem baptaes.



BLONG MOSAEA 7-10

## Folem Profet

Amon i tijim se ol profet i save luk ol samting we oli stap kam (luk long Mosaea 8:16-17). Tanem i go long pej 2 blong ridim mesej blong Presiden Nelson blong jeneral konfrens. ?Wanem nao hem i tijim yumi long hem? Droem wan pikja abaot blong hem mo sendem i kam long mifala long *Fren*.

### Blong ol bigfala pikinini:

Singsing “Follow the Prophet” (*Children’s Songbook*, 110-11) wetem ol pikinini blong yu. Evri taem yu singim toktok ia *profet*, poenem i go long wan pikja blong profet.



OL PIKJA DROING OLI KAM LONG KATY DOCKRILL

BLONG MOSAEA 11-17

## Wan Laet long Tudak

Abinadae i tijim se Jisas Kraes i “wan laet we i no gat en, we i no save kam tudak” (Mosaea 16:9). Haedem wan samting long haos. Ofem ol laet, mo mekem evriwan i traem blong faenem long tudak. Afta haedem mo traem blong faenem wetem ol laet i on o wetem ol flas laet. ?Wanem wei nao i moa isi? ?Olsem wanem nao Jisas i helpem yumi olsem laet i helpem yu?

### Blong ol bigfala pikinini:

Mekem pikinini blong yu i praktis blong stap ofem mo onem wan flas laet o laet. Afta tokbaot olsem wanem Jisas Kraes i wan laet we i neva save haed o ofem.



BLONG MOSAEA 18-24

## Ol Hat Oli Joen long Yuniti

Alma tijim yumi blong yumi gat “hat [we] oli joen tugeta blong kam wan long lav” (Mosaea 18:21). Hemia i minim se yumi mas wok tugeta mo soem lav long ol nara man. !Mekem wan string blong ol hat blong rimaenem yu! Katemaot sam pepa hat mo raetem nem blong wanwan memba blong famli long hem. Mekem wan hol long wanwan hat, mo putum wan string tru long olgeta blong mekem se ol hat oli joen. Hangem string blong ol hat blong yu long ples we bae yu luk oltaem.

### Blong ol bigfala pikinini:

Askem ol pikinini blong yu wan samting we oli laekem abaot wanwan man long famli. Talem long ol pikinini blong yu wan samting oli mekem we i soem lav long ol nara man!

